

1 BLERA Ptol. lib. 3. c. 1. hodie *Bieda*. Ex eius Episcopis *Maurinus* subscripsit Concilio Romano sub Felice, & primo sub Symmacho.

2 SVTRIVM Ptol. ibid. hodie *Sutri*. Inter huius Episcopos, *Eusebius* subscripsit Concilio Romano sub Hilario, *Constantinus* Romano sub Felice, & *Mercurius* Romano primo sub Symmacho.

3 TARQVINII Stephano, alijs Tarquinia, vulgò *Tarquene*. Inter eius Episcopos *Apuleius* subscripsit Concilio Romano sub Hilario, *Proiectus* Romano sub Felice, & *Lucianus* Romano primo sub Symmacho.

TVSCANIA, à qua Tuscanienses populi, quorum meminit Plinius lib. 3. c. 5. hodie *Toscanello*. *Maurus* Tuscaniæ Episcopus interfuit Concilio Lateranensi sub Martino.

4 SALPIS à qua Salpinates populi Liuius lib. 5. cuius *Palladius* Episcopus Concilio Romano sub Hilario subscripsit.

5 BALNEVM Regis Paulo Diacono, hodie *Bagnarea*. D. Gregorius magnus scripsit ad *Ioannem* Balnei Regis epist. 34. lib. 8.

6 VRBS VETVS Procop. rerum Gothic. l. 2. hodie *Orueto*. D. Gregorius scripsit epistolam 27. l. 5. ad *Candidum* Episcopum de Vrbe veteri.

7 CLVSIVM Ptolem. l. 3. c. 1. vulgò *Chiufa*, cuius Episcopus *Laurentius* interfuit Concilio Aquileiensi sub Damaso.

PERVSIA Ptol. l. 3. c. 1. hodie *Perugia*. *Maximianus* huius Episcopus subscripsit Concilio Romano primo sub Symmacho, & *Venantij* meminit D. Gregorius l. 10. epist. 52. Indict. 5.

8 CORTONA Ptol. ibid. hodie nomen retinet. *Theodosius* Episcopus Cortonæ subscripsit Concilio Lateranensi sub Martino.

ARETIVM Straboni l. 5. nunc *Arezzo*, cuius Episcopus *Gaudentius* passus est 14. Iunij sub Diocletiano, ex Martyrologio.

9 VOLSINIVM Straboni l. 5. hodie *Bolsena*. *Gaudentius* huius Episcopus subscripsit Synodo primæ Romanæ sub Symmacho.

10 CENTVM-CELLÆ Procop. rerum Gothic. l. 2. vulgò *Ciuita Vecchia* Kollenutio, & *Cincella* Ferrario. Ex eius Episcopis plures Concilijs subscripserunt: *Epictetus* primo Arelateni, *Paschasius* Romano sub Felice, & *Molensius* Romano primo sub Symmacho.

11 GRAVISCA Antonino in Itinerario, vulgò *Mont' alto*. *Adonius* huius Episcopus subscripsit Concilio Romano sexto sub Symmacho.

SVANA, Ptol. l. 3. c. 1. hodie *Soana*, Vrbs Episcopalis, sed an sex primis sæculis, dubium est. *Mauritius* huius Episcopus subscripsit epistolæ Concilij Romani sub Agathone.

MANTVRANVM, alijs Manturianum, locus Thusciæ, cuius mentio est in literis Ludouici primi Imperatoris: vt testatur Antoninus Massa lib. de Faliscis. *Reparatus* huius Episcopus subscripsit Concilio Lateranensi sub Martino.

RVSELLA Ptol. lib. 3. cap. 1. vulgò *Rossella*. *Vitalianus* huius Episcopus subscripsit Concilio Romano primo sub Symmacho: & *Balbini* Episcopi Ruffellani mentio est apud D. Gregorium lib. 1. epist. 15. Indict. 9.

POPVLONIA, Melæ lib. 2. c. 4. vulgò *Porto Baratto*. *Asellus* huius Episcopus subscripsit Synodo tertiæ Romanæ sub Symmacho.

VOLATERRÆ Ptol. lib. 3. cap. 1. hodie *Volaterra*. *Elpidius* huius

1 *Firminus* Lateranensi sub Martino.

2 *Barbatus* Romano sub Martino Pr.

3 *Tarquina* Episcopatus hic *Cornetum* translatus, ut et *Grauscanus*.

4 vitio creatus Episcopatus, ideoque expungendus * fuit hic *Saepinas* Episcopus in Samnio de quo infra pagina 58.

5 *Alifredus* Consul Romano Eugenii II.

6 Epist. 12. lib. 1. *Iohanni* Episcopo de Vrbe Veteri. et lib. 2. epist. 5. ut et epist. 27.

7 *Chiusi* Ecclesius apud Gregorium M. lib. 8. epist. 46. et lib. 10. epistola 58.

8 *Jordanes* eius Episcopus legitur in *Sententiâ* *Vigilij* Papæ contra *Theodor-*

-um *Cæsariensem* latâ. *Baron* ad ann. 551 *Iohannem* vocat errore potius,

quam *meliorum* *Codicum* auctoritate.

9 *Angellus* Synodo Rom. sub *Agathone*.

10. hoc falsum: nam *Cincellæ* vocatur noua illa Ciuitas à Leone IV. edificata,

quâ paulo post *deserta* incolæ ad veterem *Centumcellarum* Ciuitatem redierunt, cui

comparatione noui illius *Leontini* oppidi Ciuitatis Veteris appellatio hæsit.

11. *Grauscæ* vestigia paulo infra *Cornetum* ad Mare apparent. *Montalto* autem

Forum Aurelij fuisse certissimum est.

Volscæ, siue *Vulci* *Ptolomæo*, alijsque *Tusciæ* Ciuitas: inde *Bulcentina* Eccle-

-sia S. Gregorio Magno lib. 3. Dialog. cap. 17. in partibus *Aureliæ*: ubi male

editi Codices, *Buxentinæ* legunt, fuit ad dextrum latus *Floræ* *Amnis*, ubi

nunc il *Piano* de *Volci*. *Aque* ductus eius pars vulgo: il *Ponte della Badia*.

Sanctus *Gregorius* dicto loco *Quadragesimum* *Bulcentinæ* Ecclesie

Subdiaconum commemorat: unde

Episcopalem fuisse colligo. *Buxenti-*

na autem Ecclesie ut infra vide-

bimus pagina 61. in *Lucania*

Prouincia recensetur.